

CANÍCULA ■ O INM decretou a alerta amarela en Ourense, onde se alcanzaron os 38 graos, e ponse en marcha unha campaña informativa para os 6.000 maiores de 65 anos que viven na cidade ou traballan ó sol no rural

Os termómetros darán hoxe unha tregua tras a fin de semana abafante



Esta praia situada en Moaña encheuse de banistas onte pola tarde debido ás temperaturas extremas

O índice de riscos de incendios é moi alto na capital e nas bisbarras de Valdeorras, Monterrei e Terras de Caldelas

Efe - Santiago

O Instituto Nacional de Meteoroloxía (INM) mantén decretada a "alerta amarela" na provincia de Ourense, onde onte os termómetros chegaron aos 38 graos centígrados na capital ourensá, cunha sensación térmica sufocante. As temperaturas, que o domingo acadaron ós 36,5 graos, converteron a provincia ourensá na máis calorosa de toda comunidade galega e nunha das máis calorosas de toda España. Así, as zonas fluviais, xunto coas piscinas e os ríos, enchéronse de persoas que trataron de afrontar a calor refrescándose.

Durante a xornada de hoxe, a influencia anticiclónica debilitarase lixeiramente, o que fará que algunhas nubes e brétemas se acerquen polo Atlántico, provocando así, un incremento progresivo da nebulosidade no litoral das cidades de Pontevedra e da Coruña con posibilidade dalgúns chuvascos.

As temperaturas mínimas non terán cambios mentres que as máximas descenderán de forma máis significativa no litoral atlántico. Doutra banda, o coordinador da área de Urxencias do Complexo

Hospitalario de Ourense (GHOU), José Antonio Carballo, sinalou onte que as principais recomendacións xerais que hai que ter en conta para evitar consecuencias ante as altas temperaturas pasan por: "hidratarse correctamente, non se expoñer ao sol e non realizar traballos nin exercicio físico ao sol".

Neste senso, Carballo García lembrou que nas vivendas se recomenda ter as persianas baixadas durante o día "e abrílas poia noite para que refresque" e "durante o día evitar as aglomeracións". O coordinador da área de Urxencias do

OS DATOS

As maiores consecuencias

José Antonio Carballo di que os maiores problemas causados pola calor non se rexistran en persoas maiores, senón que se trata de persoas en bo estado de saúde que traballan a temperaturas moi e evadas.

As golpes de calor causan a morte

Carballo considera que a xente que traballa a temperaturas moi elevadas pode sufrir golpes de calor que poden desencadear a morte, tal e como aconteceu o ano pasado cunha persoa de 42 anos.

CHOU manifestou que a poboación de risco céntrase nos "anciáns e nos netos" aos que "hai que hidratar correctamente con abundantes líquidos e zumes de froita".

A suba das temperaturas presenta a súa parte máis negativa na proliferación dos incendios forestais. De feito, o mapa de risco afecta á maior parte das zonas montañosas da provincia de Ourense.

Na cidade de Ourense, así como nas bisbarras de Valdeorras, Monterrei e Terras de Caldelas, o risco de incendios é "moi alto", segundo indicou a Consellería de Medio Rural, polo que a probabilidade de que se produza algún incendio sitúase entre un 69 e un 80%.

Non resto da xeografía ourensá, o risco de incendio é "alto", salvo na Baixa Limia, os montes de Pena Trevinca e no Invernadoiro, onde se reducen as posibilidades de que se produzan lumes.

Por outra banda, os portugueses viviron onte o día máis quente do ano, con temperaturas de ata 42 graos en localidades do interior sur do país como Beja e Santarem e que no resto do territorio chegarán ós 40 graos, di o INE. Estas altas temperaturas, por encima da media para esta época do ano, obrigaron a colocar un distrito en alerta vermella, o de Porto Alegre, no interior do país, onde os termómetros alcanzaron os 42 graos. Outros dez distritos están en alerta laranxa, no centro e no sur do país, ademais do de Braga no norte. O resto está en alerta amarela. ●

A busca da moza desaparecida en Tenerife durará outra semana

A Garda Civil continuará polo menos unha semana máis co operativo de procura da moza Fernanda Uryúa Marín, desaparecida desde o xoves en Tenerife cando se dirixía á súa casa tras despedirse dos amigos, informou a Ele o comandante da Garda Civil, Enrique Sancho. Ata o momento só se encontraron dúas pistas nun camiño de terra a menos dun quilómetro da urbanización Ten Bel, domicilio de Fernanda, que foron recoñecidas polos pais. Trátase dunha zapatilla de praia, encontrada no primeiro día de rastrexo e un cintó

acado o venres, confirmou Enrique Sancho. O comandante insiste en que "barállanse moitas liñas de investigación aínda que todos os incicios apuntan a unha desaparición forzada".

Case un centenar de persoas puñan a moza. Esta fin de semana sumáronse 97 militares. Tamén participan os GEAS da Garda Civil e por aire súmanse dous helicópteros da Garda Civil, o grupo rural de seguridade, patrullas de Praia das Américas, axentes do Servizo de Protección da Natureza (Seprona) e dúas unidades caninas. ● EFE

Continúa a procura do veciño da Fonsagrada que hai 10 días que falta

Un total de cinco brigadas forestais e o exército, das unidades de urxencia, tratan de localizar o veciño da Fonsagrada que permanece desaparecido desde o sábado 21 de xullo, informou o delegado da consellería de Medio Rural en Lugo Emilio López Pérez. "Estamos facendo todo o humano e materialmente posible", sinala o delegado, quen agregou que o venres pasado se desprazou ata a zona e falou cun irmán do desaparecido. López Pérez dixo entender a "preocupación da familia", a vez que sinalou que se esta traballan-

do "cun grupo grande de brigadas, mentres non haxa incendios dispoñemos deles e con voluntarios do exercito que están para vixiar o monte nesa área".

"Non se pode perder a esperanza pero trabállase nunha orografía moi difícil" avisou.

Doutra banda, felicítouse pola boa situación do monte e polo feito de que a fin de semana, e pese ó aumento de temperaturas, transcorreu na provincia de Lugo "sen ningún tipo de problema". "Como moito houbo algun pequeno conato de tempesta". ● EFE

A Policía lucense detén unha persoa por agredir sexualmente unha rapaza

A policía local de Lugo detivo esta fin de semana a un individuo como presunto autor dun delito de agresión sexual a unha moza de 24 anos, veciña desta cidade, despois de que os pais da vítima conseguisen retelo, informou onte o gabinete de comunicación do Concello.

Os axentes foron alertados de estes feitos a través dunha chamada ó 092, e de inmediato unha patrulla trasladouse ó lugar onde o presunto agresor era retido polos pais da moza. Os feitos tiveron lugar nun edificio do barrio de Binzoi, o sábado 28 de xullo ás seis e media da mañá, cando a muller

encontrou no portal do seu domicilio e viuse sorprendida por un home que a seguiu ata o ascensor. Unha vez no interior do elevador, intentou agredir sexualmente a muller que foi unido por forza mentres mentaba zafarse do agresor. Os propios pais ciron á moza e conseguiron evitar a agresión e reter ó presunto delincente.

O nome, A.A.P., que estaba previsto que pasase onte a disposición xudicial, ten 23 anos, e nacional de Portugal, e con domicilio en Lugo e foi trasladado por axentes da Policía Local a comisaria da Policía Nacional. Parece que non ten antecedentes. ● EFE

O presunto asasino da súa muller en Badalona, fóra de perigo

O home que presuntamente matou o domingo a súa muller en Badalona (Barcelona) recuperárase no Hospital Can Ruti desta poboación das feridas de arma branca "pouco graves" que se inflixiu.

M.G.A, de 51 anos, asasinou presuntamente a súa muller N.E.S., de 48 anos, cara ás 01:50 horas da madrugada do domingo e logo cravouse un coitelo no estómago na súa casa do barrio de Bufalà de Badalona. O único fillo da parella achou o corpo dos seus

pais na cama matrimonial no momento dun gran charco de sangue ó volver dunha viaxe a Francia e alertou ós Mossos d'Esquadra.

Con este caso elévase a 46 o número de mulleres mortas por violencia doméstica no que vai de ano en toda España, e é o sexto asasinato no mes de xullo.

A Policía Local derivou un vigués de 38 anos, que responde ás iniciais J.L.B.M., como presunto autor dun delito de violencia de xénero ó agredir na vía pública a súa muller. ● EFE